

INT/2026/000475

MEMORIA-PROPOSTA DA ALCALDÍA-PRESIDENCIA XUSTIFICATIVA DAS MODIFICACIÓNS ORZAMENTARIAS POR CRÉDITO EXTRAORDINARIO DO CAMBIO DE FINALIDADE DO FINANCIAMENTO AFECTADO PROCEDENTE DE PRESTAMO 2025.

Mediante Providencia da Concelleira delegada de Facenda ordénase a incoación de expediente de Modificación orzamentaria coa finalidade de dotar crédito axeitado á achega municipal derivada do Convenio entre Augas de Galicia e o Concello de Vilagarcía de Arousa que permitan acometer a completa pavimentación da avenida Rodrigo de Mendoza e da rúa Valle Inclán, no Concello de Vilagarcía de Arousa.

Dita Providencia deriva no expediente **Nº 03/CE/2026** de modificación de crédito por crédito extraordinario por importe de **335.358,35 €** financiado con baixas de créditos existentes no proxecto de gasto con financiamento afectado do Anexo de Investimentos do exercicio 2025 co código 2025-2-PREST-1 “PLAN ASFALTADOS”.

O que se pretende con esta modificación é dotar os créditos necesarios para dar cobertura á achega municipal ao Convenio indicado.

Polo tanto, trátase de gastos específicos e determinados para os que se precisa contar con consignación orzamentaria e para o que no orzamento vixente non existe crédito axeitado por estar este dotado no Plan Asfaltados 2025 na aplicación 1530-61900 VÍAS PÚBLICAS-OUTRAS INVERSIÓNS EN REPOSICIÓN DE INFRAESTRUCTURAS e ser preciso a súa dotación na aplicación 1530-75100 VÍAS PÚBLICAS-TRANSFERENCIAS A OO.AA.

Posto de manifesto mediante informe de Intervención adxunto ó expediente, que existen exceso de financiamento nos proxectos indicados, esta Alcaldía, co obxecto de atender ao gasto anteriormente descrito propón ó Pleno da Corporación a adopción do seguinte **ACORDO:**

PRIMEIRO: Aprobar inicialmente o expediente **Nº 03/CE/2026** de modificación de crédito mediante crédito extraordinario, financiado con baixa na aplicación 1530-61900 procedente do proxecto 2025-2-PREST-1 “PLAN ASFALTADOS” e por importe de **335.358,35 €** para atender a achega municipal do Convenio indicado.

SEGUNDO: Os medios e recursos que han de financiar os aumentos que se propoñen ao amparo do disposto no artigo 177.4 do TRLFL 2/2004 son a baixa de créditos de gastos da



aplicación 1530-61900 do orzamento vixente correspondentes ao Proxecto de gasto 2025-2-PREST-1 “PLAN ASFALTADOS” é dicir, os que se lle cambia a finalidade do financiamento afectado, procedente das operacións de préstamo concertada e ingresada no exercicio 2025.

TERCEIRO: Modificar o Anexo de Investimentos correspondente, que deberá incorporar a distribución de financiamento afectado para o proxecto de gasto indicado do seguinte xeito:

PROXECTO	APLICACIÓN ORZAMENTARIA	IMPORTE
2025-2-PREST-1 “PLAN ASFALTADOS”	1530-61900	214.641,65 €
	1530-75100	335.358,35 €
		550.000,00

CUARTO: Expoñer ao público os expedientes indicados, mediante anuncio no BOP por 15 días, durante os cales os interesados poderán examinalos e presentar reclamacións ante o Pleno. Os expedientes se considerarán definitivamente aprobados se durante o citado prazo non se tivesen presentado reclamacións, en caso contrario, o Pleno disporá do prazo dun mes para resolvelas.

Dada a urxencia que reviste a actuación, farase uso da excepción prevista na base nº 10 das BEO de forma que transcorrido o período de exposición sen presentarse alegacións, o crédito modificado estará dispoñible a efectos de execución orzamentaria, sen prexuízo da posterior e preceptiva publicación da aprobación definitiva a efectos de recursos.

QUINTO: Unha vez aprobados definitivamente os expedientes sinalados, serán insertados e resumidos por capítulos no BOP. Ademais, remitirase copia do expediente á Administración do Estado e a da correspondente CCAA.

Vilagarcía de Arousa, na data da sinatura electrónica.

O ALCALDE

